

VENDIM
Nr. 1, datë 28.2.2019

PËR SHPALLJEN E THIRRJES SË PARË PËR FINANCIMIN E PROJEKTEVE NGA GRANTET “ARSIMI BAZË”, “ARSIMI I MESËM”, PJESE E FONDIT PËR ZHVILLIMIN E RAJONEVE, PËR VITIN 2019

Në mbështetje të nenit 100 të Kushtetutës, të nenit 16, dhe të aneksit 3, të ligjit nr. 99/2018, “Për buxhetin e vitit 2019”, me propozimin e ministrit të Arsimit, Sportit dhe Rinisë, Komiteti për Zhvillimin e Rajoneve

VENDOSI:

1. Shpalljen e thirrjes së parë për financimin e projekteve të reja nga Fondi për Zhvillimin e Rajoneve për vitin 2019, sipas granteve të financimit, si më poshtë vijon:

1.1 Grantet për “Arsimin”:

- Granti “Arsimi bazë”;
- Granti “Arsimi i mesëm”.

2. Drejtimit e thirrjes për financim, janë:

a) rehabilitimi i objekteve arsimore ekzistuese në arsimin parauniversitar (arsimi bazë dhe i mesëm, përfshirë shkollat e mesme të bashkuara), të cilat paraqesin rrezik shembjeje dhe kanë nevojë emergjente për ndërhyrje;

b) ndërtimi i objekteve të reja arsimore në arsimin parauniversitar (arsimi bazë dhe i mesëm, përfshirë shkollat e mesme të bashkuara);

c) rehabilitimi dhe zgjerimi i kapaciteteve të objekteve arsimore në arsimin parauniversitar (arsimi bazë dhe i mesëm, përfshirë shkollat e mesme të bashkuara), përmirësimin e infrastrukturës shkollore (arsimi bazë dhe i mesëm, përfshirë shkollat e mesme të bashkuara), në zonat dhe fshatrat pjesë e “Programit të integruar për zhvillimin rural – Programi i 100 Fshatrave”, miratuar me vendim nr.21, datë 12.1.2018, të Këshillit të Ministrave, “Për disa shtesa në vendimin nr.709, datë 29.10.2014, të Këshillit të Ministrave, Për miratimin e Strategjisë Ndërsektoriale për Zhvillimin Rural dhe Bujqësor 2014–2020”, si dhe i kapaciteteve të shkollave si “Qendra komunitare”.

3. Për thirrjen, sipas pikës 1, të këtij vendimi, vlera e financimit të thirrjes së parë, për vitin 2019, është:

- Granti “Arsimi bazë”: 341 935 708 milionë (lekë);
- Granti “Arsimi i mesëm”: 330 361 410 milionë (lekë).

4. Vlera e bashkëfinancimit nga aplikuesi për çdo projekt sipas grantit është sipas shtojcës I, bashkëlidhur këtij vendimi.

5. Aplikimi për financimin e projekteve sipas pikave 1 dhe 2, të këtij vendimi, bëhet nga njësitë e qeverisjes vendore, si dhe nga njësitë e qeverisjes vendore, në marrëveshje partneriteti me Fondin Shqiptar të Zhvillimit, sipas shtojcave II e III, bashkëlidhur këtij vendimi.

6. Procedura e vlerësimit të projekteve të aplikuara kryhet nga sekretariati teknik, në Ministrinë e Arsimit, Sportit dhe Rinisë, sipas kriterëve të dhëna në shtojcën IV, bashkëlidhur këtij vendimi.

7. Ngarkohen ministri i Arsimit, Sportit dhe Rinisë dhe ministri i Brendshëm për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYETARI
Erion Braçe

Zëvendëskryeministri

zëvendëskryetar;

Ministri i Financave dhe Ekonomisë

anëtar;

Ministri i Arsimit, Sportit dhe Rinisë

anëtar;

Ministri i Shëndetësisë dhe Mbrojtjes Sociale

anëtar;

Ministri i Kulturës

anëtar;

Ministri i Brendshëm

anëtar;

Kryetari i Shoqatës së Bashkive të Shqipërisë

anëtar;

Kryetari i Shoqatës së Qarqeve të Shqipërisë

anëtar.

SHTOJCË I VLERA E BASHKËFINANCIMIT

Vlera e bashkëfinancimit për çdo projekt të jetë, si më poshtë vijon:

a) Për njësitë e qeverisjes vendore me popullsi nën 50 000 (pesëdhjetë mijë) banorë, vlera dysHEME e bashkëfinancimit nga ana e njësisë së qeverisjes vendore të jetë në masën 10% të vlerës së plotë të projektit, e që duhet të alokohet, nga buxheti i njësisë së qeverisjes vendore, për vitin 2019.

b) Për njësitë e qeverisjes vendore me popullsi mbi 50 000 (pesëdhjetë mijë) deri në 100 000 (njëqind mijë) banorë, vlera dysHEME e bashkëfinancimit nga ana e njësisë së qeverisjes vendore, të jetë në masën 30% të vlerës së plotë të projektit, e që duhet të alokohet, nga buxheti i njësisë së qeverisjes vendore, përkatësisht, në vitin 2019, në masën 15% dhe në vitin 2020, në masën 15% (duke qenë se projekti zbatohet në dy vite).

c) Për njësitë e qeverisjes vendore me popullsi mbi 100 000 (njëqind mijë) banorë, vlera dysHEME e bashkëfinancimit nga ana e njësisë së qeverisjes vendore, të jetë në masën 50% të vlerës së plotë të projektit, e që duhet të alokohet, nga buxheti i njësisë së qeverisjes vendore, përkatësisht, në vitin 2019, në masën 25% dhe në vitin 2020, në masën 25% (duke qenë se projekti zbatohet në dy vite).

Diferenca mes vlerës së projektit me vlerën e kontratës, nëse ka një të tillë, pas prokurimit publik do t'i zbritet financimit me burim grantin "Arsimi bazë" dhe grantin "Arsimi i mesëm", pjesë e Fondit për Zhvillimin e Rajoneve.

Shënim.

Ministria e Brendshme dërgon listën e njësive të qeverisjes vendore me mbi dhe nën 50 000 (pesëdhjetë mijë) banorë dhe mbi 100 000 (njëqind mijë) banorë, pranë sekretariatit teknik në Ministrinë e Arsimit, Sportit dhe Rinisë.

SHTOJCË II KALENDARI ME AFATET E APLIKIMIT DHE VLERËSIMIT TË PROJEKTEVE

Afati	Institucioni përgjegjës	Aktiviteti
Botimi në Fletoren Zyrtare	Komiteti për Zhvillimin e Rajoneve	Hapja e thirrjes për projekte të reja sipas drejtimeve të thirrjes së grantit, sipas pikës 2, të këtij vendimi.
7 ditë kalendarike nga botimi në Fletoren Zyrtare	Aplikuesit sipas pikës 5, të këtij vendimi	Dërgimi i aplikimeve nga aplikuesit, si më poshtë vijon: 1. Aplikimi <i>online</i> në faqen elektronike të <i>e-Albania</i> . Shërbimi: Aplikimi <i>online</i> për FZHR https://e-Albania.al/sherbimi.aspx?kodi=7203 ose 2. Aplikimi me shkresë zyrtare (postë ose protokollim dorazi), ku dosja e plotë e aplikimit (në CD) dërgohet pranë sekretariatit teknik, në Ministrinë e Arsimit, Sportit dhe Rinisë. Pranë Sekretariatit të Përgjithshëm të Komitetit për Zhvillimin e Rajoneve (në Kryeministri), <u>nuk dorëzohen dosjet e aplikimit, por ato dorëzohen vetëm pranë sekretariatit teknik në ministri.</u>
10 ditë kalendarike nga mbyllja e aplikimit	Sekretariati teknik përkatës	Vlerësimi i projekteve të aplikuara, sipas shtojcës IV të këtij vendimi.
	Sekretariati teknik përkatës	Sekretariati teknik paraqet zyrtarisht pranë Sekretariatit të Përgjithshëm listën e projekteve që propozohen për financim, si dhe projekt vendimin që i propozohet Komitetit për Zhvillimin e Rajoneve.

SHTOJCË III FORMATI I APLIKIMIT PËR PROJEKTET

Ky format plotësohet për të gjitha projektet

Aplikuesi (*)	Përcaktohet automatikisht nga sistemi (ose të plotësohet, në rast të aplikimit me postë ose protokollim dorazi).
Data e aplikimit (*)	Përcaktohet automatikisht nga sistemi (ose të plotësohet, në rast të aplikimit me postë ose protokollim dorazi).

Titulli i projektit (*)	Titulli i projektit të jetë i njëjtë me titullin që specifikohet në kërkesën e depozituar pranë sekretariatit teknik.
Granti i projektit (*)	Të përcaktohet për cilin grant aplikohet (sipas aneksit 3, të ligjit nr. 99/2018, “Për buxhetin e vitit 2019” dhe pikës 1 të këtij vendimi).
Data e fillimit të projektit (*)	Të paraqitet grafiku i prokurimit dhe grafiku i zbatimit të punimeve të projektit, për të qartësuar shtrirjen kohore të tij.
Data e mbarimit të projektit (*)	
Përshkrimi i projektit (*)	Të bëhet përshkrim i detajuar i projektit të propozuar, duke përmbajtur informacionin e mëposhtëm, por jo vetëm: - Vendndodhja e objektit të investimit; specifikuar në hartë ku është sqaruar qartë kufiri i ndërhyrjes; - Përshkrimi i kushteve të objektit ekzistues (nëse ka) dhe terrenit, si dhe nevojës për këtë projekt; - Përshkrimi i detajuar i punimeve/ndërhyrjeve që do të kryhen; - Grafiku i prokurimit dhe grafiku i zbatimit të punimeve; - Cilat janë problemet që adreson ky projekt dhe shkalla e ndikimit të tij; - Risqet për zbatimin e tij; - Informacion i qartë në lidhje me pronësinë e tokës (nëse aplikohet), si edhe dokumentacioni përkatës (harta përkatëse kadastrale etj.).
Qëllimi dhe objektivat (*)	Të paraqitet qëllimi i përgjithshëm i projektit, objektivat specifike të tij.
Numri i përfituesve (*)	Të jepet numri i popullsisë (nxënës/mësues/komunitet) që përfitojnë drejtpërdrejt dhe tërthorazi nga zbatimi i projektit. Vlera e dhënë të shoqërohet me shpjegim për secilën kategori përfituesish.
Sipërfaqe e trajtuar (*)	Të specifikohet sa është sipërfaqja e përgjithshme në të cilën ndërhyrjen projektin dhe nëse zhvillohet me faza apo lote.
Rendi prioritar (*)	Në rastet e aplikimit të më shumë se 1 (një) projekti, renditini projektet sipas prioritetit/nevojës për ndërhyrje/lidhjes me drejtimit e thirrjes (numri 1 për shumë prioritar, numri 2 për më pak prioritar, e kështu me radhë).
Qëndrueshmëria e projektit (*)	Të përshkruhet në mënyrë analitike nëse aplikuesi do të ketë nga ky projekt: - Kosto për mirëmbajtjen e projektit, pas zbatimit të tij; - Nëse po, specifikoni sa parashikohen, si do të sigurohen etj.; - Të specifikohet periudha në vite për kostot e mirëmbajtjes.
Fondet e kërkuara nga Fondi për Zhvillimin e Rajoneve (*)	Në rast se projekti nuk ka financim nga donatorë, kostoja/fondi që kërkohet nga FZHR-ja, është i barabartë me koston totale të projektit (në çdo rast, vlera të jetë me TVSH) minus vlerën dysHEME të detyrueshme të bashkëfinancimit nga njësia e qeverisjes vendore, sipas shtojcës I, të këtij vendimi.

Kontributi i detyrueshëm në bashkëfinancimi nga njësia e qeverisjes vendore (*)	Aplikuesi e shoqëron aplikimin me një shkresë zyrtare, të nënshkruar nga kryetari i bashkisë, ku merr përsipër së paku vlerën dysHEME të bashkëfinancimit, të përcaktuar në shtojcën I, të këtij vendimi. Aplikuesi mund të bashkëfinancojë një vlerë me të madhe sesa vlera dysHEME, nëse e shikon të mundur. Marrja përsipër e bashkëfinancimit nga aplikuesi, në, minimumi, vlerën dysHEME të tij të përcaktuar në shtojcën I të këtij vendimi dhe paraqitja e shkresës që e konfirmon këtë është kusht detyrues për kalimin në fazën e vlerësimit të aplikimit dhe për (potencialisht) miratimin e financimit.
Financim nga donatorë (*)	Nëse ka financim nga donatorë, të jepet vlera e donacionit në monedhën lekë.
Financime të tjera	Nëse ka burime të tjera financimi, të jepet vlera e financimit në monedhën lekë.
Kostoja totale e projektit (*)	Kostoja totale e projektit të jepet me TVSH.
Projekti ka një analizë kosto-përfitim (opsionale)	☐ Po / ☐ Jo
Përmbledhje e analizës kosto-përfitim	Të paraqitet një përmbledhje e shkurtër e analizës kosto-përfitim, nëse ka një të tillë.
Projekti ka një vlerësim të ndikimit në mjedis (opsionale)	☐ Po / ☐ Jo
Përmbledhje e vlerësimit të ndikimit në mjedis	Të paraqitet një përmbledhje e shkurtër e vlerësimit të ndikimit në mjedis, nëse ka një të tillë.
Deklarime (*)	Aplikuesi deklaron se: i. Projekti është gati për zbatim (pra, nëse i disponon të gjitha dokumentet që nevojiten për zbatimin e tij) dhe koha kur mund të fillojë dhe të përfundojë procedura e prokurimit publik dhe kur mund të fillojë dhe të përfundojë zbatimin i punimeve; ii. Projekti është në listën e projekteve/nevojave të parashikuara nga institucioni përkatës, është pjesë e planeve vendore të zhvillimit dhe/ose të prioritetëve; iii. Me miratimin e financimit, autoriteti kontraktues ka siguruar për pajisjen me të gjitha lejet e nevojshme për zbatimin e projektit, sipas legjislacionit të fuqi; iv. Janë zbatuar çmimet e referencës dhe legjislacioni në fuqi, për përllogaritjen e kostos dhe vlerës financiare të projektit.
Dokumentet teknike (*)	Të sqarohet nëse dosja e aplikimit përmban: - projektin teknik/projektin e zbatimit; - preventivin; - grafikun e prokurimit dhe grafikun e zbatimit të punimeve; - relacionin teknik; - specifikimet teknike; - përllogaritjet/parashikimin e kostove të mirëmbajtjes së investimit; - CD.
Koordinatat e projektit (*)	Të hidhen koordinatat e vendndodhjes së projektit, sipas sistemit të gjeoreferencuar, WGS 84 UTM 34 N
Foto – Gjendja ekzistuese (*)	Imazhe në formatin jpeg ose PDF
Pamje 3 Dimensionale (*) i detyrueshëm	Imazhe në formatin jpeg ose PDF

*) Fushat që kanë * janë të detyrueshme për t'u plotësuar.

Shënim. Dërgimi i aplikimeve, sipas afatit:

1. Aplikimet për projekte duhet të dërgohen:

a) aplikimi *online* në faqen elektronike të *e-Albania*. Shërbimi: Aplikimi *online* për FZHR (<https://e-albania.al/sherbimi.aspx?kodi=7203>.)

ose

b) me shkresë zyrtare (postë ose protokollim dorazi), së bashku me dosjen e plotë të aplikimit të hedhur në CD, pranë sekretariatit teknik në Ministrinë e Arsimit, Sportit dhe Rinisë.

2. Format i aplikimit duhet të dorëzohet i firmosur dhe i vulosur nga institucioni/subjekti aplikues.

3. Dokumentacioni teknik i dorëzuar duhet të jetë detyruesisht i firmosur dhe i vulosur nga autorët përkatës.

SHTOJCË IV

KRITERET E VLERËSIMIT TË PROJEKTEVE QË PROPOZOHEN PËR FINANCIM

Këto kriteret përdoren nga sekretariati teknik, për të vlerësuar teknikisht projektin dhe në bazë të tyre kryhet vlerësimi, maksimalisht, me 100 pikë, i një projekti që propozohet për financim/miratim nga Komiteti për Zhvillimin e Rajoneve.

Kriteret detajohen në nënkriteret përkatëse, nga sekretariati teknik i ngritur pranë Ministrisë së Arsimit, Sportit dhe Rinisë, sipas aneksit 3, të ligjit nr. 99/2018, “Për buxhetin e vitit 2019”.

Kriteret e domosdoshme për të kualifikuar për vlerësim një projekt, i përcakton sekretariati teknik.

Kriteret për vlerësimin e projekteve janë, si më poshtë vijon:

1. Shkalla e ndikimit në arritjen e objektivave dhe impaktit, sipas drejtimeve të thirrjes dhe vendimeve të Komitetit për Zhvillimin e Rajoneve: ky kriter vlerësohet me **0 deri në, maksimalisht, 20 pikë**.

2. Cilësia teknike dhe kostimi, vlerësimi financiar i projekteve të propozuara nga njësitë e qeverisjes vendore. Ky kriter nënkupton se projektet që teknikisht janë detajuar saktë dhe qartë me grafik punimesh të detajuar, si dhe ato projekte, ku kostimi i tyre dhe preventivi janë përpiluar e vlerësuar saktë nga aplikanti, me çmimet referencë sipas buletineve etj., do të vlerësohen si koherente për financim: ky kriter vlerësohet me **0 deri në, maksimalisht, 15 pikë**.

3. Ndikimi i projekteve dhe avantazhet në lehtësimin e aksesit në shërbimet arsimore, ndërveprimi midis zonave urbane e rurale, duke rritur mbulimin në shërbime, zgjidhjen e nevojës emergjente për ndërhyrje, përmirësimin e cilësisë së shërbimit, zgjerimin e kapaciteteve të objekteve arsimore dhe jetës komunitare dhe më gjerë, parë nga ana e përfituesit, qytetarit: ky kriter vlerësohet me **0 deri në, maksimalisht, 25 pikë**.

4. Niveli i ulët i riskut për zbatimin e projektit, bazuar në elemente të përshkrimit të projektit që orientojnë mbi riskun e mundshëm në bashkëfinancimin nga aplikanti dhe/ose në prokurimin publik, sidomos mundësia e lidhjes së kontratës ose fillimit të zbatimit të punimeve dhe/ose përdorimit në kohë të fondeve publike, brenda vitit 2019: ky kriter vlerësohet me **0 deri në, maksimalisht, 20 pikë**.

5. Numri i përfituesve në mënyrë të drejtpërdrejtë dhe/ose të tërthortë (nxënës /mësues/komunitet) nga projekti ose zona kryesore dhe dytësore e ndikimit/mbulimit të shërbimit prej tij. Vlerësimi sipas këtij kriteri kryhet në varësi të numrit të institucioneve /përdoruesve/shërbimeve që përfitojnë në mënyrë të drejtpërdrejtë dhe/ose të tërthortë: ky kriter vlerësohet me **0 deri në, maksimalisht, 10 pikë**.

6. Niveli i bashkëfinancimit suplementarisht / përmby vlerën dysheme (minimale) të bashkëfinancimit, me fonde të tjera nga njësitë e qeverisjes vendore apo me fondet e donatorëve: ky kriter vlerësohet me **0 deri në, maksimalisht, 10 pikë**.

Shënim.

Nëse aplikuesi nuk merr përsipër vlerën dysheme të bashkëfinancimit të përcaktuar sipas shtojcës I, të këtij vendimi, atëherë aplikimi nuk kalon në fazën e vlerësimit.

Me anë të këtij publikimi kërkojmë të vëmë në dijeni personat e prekur nga ky shpronësim, për pasuritë e paluajtshme, pronë private, të cilat do të kompensohen sipas vlerësimit paraprak të llogarit, bazuar në VKM-në nr. 89, datë 3.2.2016 “Për miratimin e hartës së vlerës së tokës në Republikën e Shqipërisë”, sipas tabelës paraprake bashkëlidhur.

Vlera totale paraprake e shpronësimit është 156.600 (njëqind e pesëdhjetë e gjashtë mijë e gjashtëqind) lekë.

